



# Kattusseqatigiit Partiiat

05 januar 2012

Inatsisartut suleriaasianni § 37 naapertorlugu apeqquteqaat imaattoq Naalakkersuisunut ingerlateqqippara:

## Naalakkersuisunut apeqqutit:

1. Nioqqutissat akitsuuteqanngitsut atorunnaarsinneqarneranni kingunerisai kisitisitingut takussutissianngorlungit pissarsiarineqarsinnaappat?
2. Nioqqutissat akitsuuteqanngitsut peerneqarneri qanoq sunniuteqarpat?
3. taassuma ataani, nunatsinni aningaasaqarnermut iluaqutaava?
4. Aammalu sulisoqarneq eqqarsaatingalungu qanoq kinguneqarpat?
5. Nioqqutissat akitsuuteqanngittut atorunnaartinneqarnerat siunertamisulli kinguneqarpat?
6. Nioqqutissat akitsuuteqanngitsut eqquteqqinneqarsinnaaneri naalakkersuisut qanoq isumaqarfingivaat?

(Inatsisartunut ilaasortaq Knud Fleischer, Kattusseqatigiit Partiiat)

## Tunnngavilersuut:

Nioqqutissat akitsuuteqanngitsut atorunnaarsinneqarneraniit maannakkut ukioq ataaseq qaangiussimalerpoq, tassunga atatillungu Kattusseqatigiit Partiiianiit paaserusupparput, nioqqutissanik akitsuuteqanngitsunik atorunnaarsitsineq nunatsinnut qanoq sunniuteqarsimanersoq.

Apeqqut 5-mi itisilernerulaarlungu, nioqqutissanik akitsuuteqanngitsunik atorunnaarsitsinermi siunertatut annerpaatut oqaatingineqarmat, nioqqutissat akitsuuteqanngitsut pisiarneqartarneranni, akitsuutilinnik pisiarneq taarserneqassasoq, tamanna paaserusupparput eqquussimanersoq. Aammalu nunatta karsianut taakkartorneqarluni 20 mio. kr-it missaanik sipaarutaassasoq, tamanna aamma paaserusupparput eqquussimanersoq.

Ilanngullungu Kattusseqatigiit Partiiianiit paaserusupparput, nunatsinni angallannikkut billitsit taama akisoreertingisut, iluaqutissartaanik tassalu nioqqutissanik akitsuuteqanngitsunik pisisinnaanermut periarfissat atorunnaarsinneqarnerani, malunnarmat atorunnaarsitsinerup siunertamisut kinguneqanngitsoq, tamatumma periarfissap eqquteqqinneqarsinnaanera paaserusupparput.